



Chhuah jai kum - 1970

KRISTIAN THALAI

Kristian Thalai Pawl Chanchinbu thla tin chhuak

VOLUME XIII NO. 3 | JUNE, 2022



RINGLOTE BIAK INAH AN KAL NGAILO

R. Vanlalzauva

**PATHIAN FAKNA HLA A SAK ZAHPUI
LO TU - **CARRIE UNDERWOOD****
Lalramdinsanga

LAWM CHUNGA RAWNGBAWL
Lalmunthara Ngente

KA THINLUNG CHELHTU
Lalremsiami (Nunui)

A MAK KHAWP MAI
C. John Saiparlhiana



KTP

GENERAL CONFERENCE

THLIRLETNA

Ricky Lalremruata

Kristian Ṭhalai Pawl chanchinbu thla tin chhuak
1970-a chhuah ṭan - Kum 52-na vawi 6-na Chhuah tawh zat : 523

Editor : K. Lalchhanhima

Joint Editors :

T/Upa H. Lalrosanga
Ricky Lalremruata
Zosangpuia
Malsawmdawngliana
Upa Johny Lalawmpuia
Lalrempuia

Manager: Lalrinnggheta

A lak man :

Kum khatah - ₹ 100.00

Copy khat - ₹ 9.00

Thu chhuah tūr nei chuan Editor,
Kristian Ṭhalai, Synod Office-ah thawn
tūr a ni a; a la ḍuh chuan KṬP Office-ah
a man pèk lāwk a ngai.

Manager's Mobile : 9856804149

E-Mail :

kristianthalai1970@gmail.com

centralktp@gmail.com

KRISTIAN ṬHALAI PAWL

Thupui

Rawngbawl tūra chhandam

Thupui inngghahna

Ephesi 2:10 : Thil ṭha ti atán
Krista Isuaah chuan siama awmin, ama
kutchhuak kan ni si a, chu thil ṭha tih
chu kan awmna tūrín Pathianin a
buatsaih lāwk a ni.

Thil tumte

1. Isua Krista rinna leh amah anna
kawnga ṭhalaita hruai.
2. Kohhran kut ke ni tura ṭhalaita
buatsaih.
3. Kohhran hna thawh tihpuitlin.
4. Krista Chanchin Ṭha puan darh.

A CHHUNGA THU AWMTE

1. Editorial	2
2. Ring lote Biak Inah an kal ngai lo - R. Vanlalzaua	3
3. Ka thinlung chelhtu - Lalremsiami (Nunui)	7
4. Lawm chung a rawngbawl - Lalnunthara Ngente	10
5. An chanchin - Pathian fakna hla a sak zahpuoi lotu Carrie Underwood - Lalramdinsanga	13
6. Ṭhalaita suangtuahna - A mak khawp mai - C. John Saiparlana	16
7. KṬP General Conference thlir letna - Ricky Lalremruata, Central C/M 2020-2022	18
8. Nihlawhna - Kennedy Lalhmangaiha	21
8. Hma i sawn zel ang u- Lalthanpuia Fanai	23
9. Lamlian leh daia rawngbawl - Lallawmnakima Hmar	26
10. Hringlang Tlâng	29
11. Kantu - Tlabung Zodin Branch	30
13. Keimahni	31



Sermon

RING LOTE BIAK INAH AN KAL NGAI LO

- R. Vanlalzaau

Reini Kristiante pawh hi ring lo Biak In (Mandir)-ah kan kal ngai lo. Chutiang bawkin ring lote hi Kristian Biak Inah an lo kal ngai lo a, an rawn kal chak bawk lo.

Chuvangin, heng mite man khawm tura palai hna thawk mek kan ni tih inhriat tur. Lal Isuan amah zuitu turte a sawm khan, *"Tun hnuah zawng mihring in man tawh ang,"* a ti. (Luka 5:10) Sangha mantu ni thin kha mihring, mi sual, Isua la ring lote man turin a ti a. Kristian mi tam tak chuan Krista thu hrilhtu rawngbawl hna hi mi tling zawk, chanvo sang chang, Pastor leh Upa, thuhrlitu leh zirtirtu, Evangelist-te tih tur bikah an ngai bik fo. Chuvang chuan heng mi mal bikte rawngbawl na tura sum leh tha sen ngai a awm erawh chuan tlanche loin theih tawp an chhuah thei zel. Mahse, anmahni chu kohhran rawngbawl na-a chanvo nei ve mumal lo an nih tlat avangin an mawhphurhah an indah duh

lo a, thlarau bo man hna chu mite tih turah an dah tlat a, anmahni chu awmhmuna tawngtai leh thilpeka lo tawng ve tur chauhin an indah deuh zel thin.

Hei hi tunlai kohhran tam tak tih dan mek pawh a la ni. Mahse, kohhran hmasa kum zabi khatnaa mite kha chuan an hruaitu Jakoba an thah hnua Petera Jail-a an tantir laia Stephan-a lunga an den hlum hnu khan min kaihruaitu Upa te, Pastor, Speaker kan nei tawh si loa tiin beidawngin anmahni inah an thu muang ve mai mai ngai lo a, a aia nasa zawkin tan an la theuh a. Ni tin Pathian Biak In-ah leh anmahni inah, *"Isua Krista chu Lal a ni e,"* tiin zirtir leh hrilh an bang chuang lo (Tirh. 5:42).

zawk kohhran hmasa (Ephesi) khua leh a vela mite khan an dawng chuang lo. Tunlai kristian tam tak tan Thlarau Thianghlim chenpuina an dawn aia thianghlim leh zual an chang chuang lo a, Lal Isua hminga damlo tam tak an tihdam ang tho kha tun laia rawngbawltu tam tak kal tlanga Pathian hna thawh kan hmuh nen eng mah a dang chuang lo.

Nimahsela, kohhran hmasa kum zabi khatna hun laia mite kha chuan thlarau mi an nihna khan Biak In chhungah chauh ni loin Biak In pawn leh dawr hmun, bazar leh an hna thawhna hmun tinah an hmang chhuak thiam a. Tun lai ringtu tam ber hi chuan kohhran programme siam chhung leh Biak In chhunga thlarau mi nihna tar lanah an duh tawk a, Biak In pawn leh Bazar kawngpui leh hna thawhna hmuna thlarau mi nih chu t̄ul an ti tawh lo fo t̄hin a, chu chu kohhran hmasate nena kan inan lohna langsar tak chu a ni. Ringtu hmasate khan Lal Isua thihna leh thawhle hna thu leh amah chauh chu chhandamtu a nihzia thu

bâk thu thar dang an sawi ngai chuang lo a, Lal Isua chu mi tin tana nunna leh chhandamtu a nihzia kha mi tin hnenah an sawiin an hrilh fiah a, a duh lo leh pawm lote chuan an huain an man a, jail-ah te tant̄irin an tuart̄ir a, a film siam pawh kan hmu fo t̄hin.

Mipui mit hmuh lai ngeiin ramsa kawlh te an seh hlumtir a, ring loten nuizha siam nan te an hmang a, thlaler-ah te vakvaiin ei tur in tur, nei mumal loin beram vun leh kel vun sinin an vakvai tih min hrilh, ram t̄ha leh zual an beisei, Vana mi chu thlirin chung ho tan chuan khawvel hi awmna tlak a ni lo. *Thlaler-ah te, p̄ukah te, tl̄angah te, khuarkhurum-ah te an vak an vak t̄hin.* (Heb.11:38). Heti taka an retheihpui hi nang leh keiin kan chan ve reng Isua tho hi a ni, anmahni pawh tihuaisena ch̄enpuitu chu tuna kan Thlarau Thianghlim chan tho hi a ni.

Kohhran hmasate kha chuan Lal Isua nun an chan kha an ngai hluin an lungawipui a, dam chhan dang thlahlel turin In leh Lo, bungrua, motor leh ram tih



KA THINLUNG CHELHTU

- Lalremsiami (Nunui)
Dam Veng Branch

Kamt sawm dawn kal taah khan Matt Bronleewe, Ben Glover leh Kari Jobe te chuan Gospel hla ðha leh mawi em em mai “Steady my heart” tih chu an ti chhuak a. Khawvela Gospel singer zinga duhawm leh mite ngaihsan em em Kari Jobe hian mawi leh nung taka sain, “Where I find you” tih album-ah khan a dah nghe nghe a ni. Tin, Dove Award nominee te pawh an hmuh phah hial a nih kha. A satuin a sa thiamin a sa nalh bawk a, helai Zoram kilkhawr takah pawh kan lo tuipui phak ve viau mai a, Pu Mavua’n mawi taka Mizo ðawnga letin “Ka thinlung chelhtu” tiin kan Mizo Idol ni ðhin Grace Lalchhanhimi’n mawi takin a rawn sa a, hla ðha tak kan neih belh phah a ni. A nuna harsatna leh buainain a bawh buai laia Pathian hnena zawhna tam tak neitu Kari Jobe-in Sam 55:22 “I rit phurh chu LALPA chungah nghat la; tichuan, anin a tichak ang che; mi fel chu eng tikah mah tihngñin a phal lo vang” tih behchhana a phuah “Steady my heart’ Mizo ðawnga “Ka thinlung chelhtu” tia an leh chhuah tak hi thupui atan kan hman chhonzawm ve dawn a ni.

Pandemic avangin kum hnih zên zâwn chu khawvel nunphung a buai a, ram ropui ber aþanga ram rethei ber thlengin kan tuar a. Kawng tinrengah khawvelin buaina a tawk a, hri vanga nunna chan ringawt pawh tun hnai maia statistics-ah

chuan nuai sawmruk leh pakhat leh singriat chuang an ni. A nghawng tam tak zingah khawvel nunphung leh kalphung rawn thlakin “new normal” a rawn hring chhuak a. Chu nunphung thar chuan nasa takin Mizoramah pawh Kohhran

loh theih lohin an tlu lut leh ta a, vawiin thlengin an la buai chhunzawm ta zel a nih khi. Mi tam takin nunna an ch an a, an la chan zel baw k a, ram leh mipuiin an tawrh dan phe chu sawi sen pawh a ni lo.

Hengte bakah khawvel hmun hrang hranga buaina te hian engti ang takin nge kan khawvel hi a nghawng ang a, eng ang buaina lian zawk nge kan hma lamah hianrawn chhuak ang tih te chu keini ang hre thui lem lo tan pawh chh t tel ve loh theih loh a ni ta baw k. Mi thiamte hlei hlei rilru a buaiin, a chin fel dan tur zawngin ram ropui zawk tea ram hruaitute pawh an hmanhlel ta viau hlawm mai a. Chung suangtuahnate chuan rilru a luahin, ngaihtuahna a ti mang a, hnai taka thil awmte pawh min hmuh hmaitir ta fo mai.

Kan hma hunah eng nge kan hmachhawn dawn tih hi tu man kan hre lo a, zeldin thu ngawt lo chuan! Hei erawh i hre nawn teh ang aw... I kiangah hlauhawm aia hnai zawk Chhandamtu chu a awm a, Ani chuan, 'Thlamuang rawh' min ti ngawt mai a ni. Hla taka awmin kan nun a tih ralkhel mek lai hian hnai taka awm Isua erawh chuan thlamuanna thu min hnutchhiah thung a. Chuvangin, harsatna leh buainain min hual a, thimin min khuh a nih pawhin, hnai teah hian 'Immanuela - Kan hnena Pathian awm' chu a awm reng a. Ani nen chuan a nih nih kan ni tlang mai a ni ang chu.

'Hmatiang hmuh lawk loh kawng hlauhawm a hnai thei, A hnai zawk, Chhandamtu'n thlamuang rawh min ti.'

JUNE THLA KRISTIAN THALAI COVER

Design by : Lalfakawma, Durtlang Branch
Cover Photographer : David Lalvensanga,
Khatla North Branch

khawi hmun nge?" tiin a zawt a. Setana chuan, "Thinlung lawmah" tiin a lo chhang a ni an ti. Chuvang chuan rawngbawltute hi lawm tur kan ni a, kan rawngbawl hna kawng tinrenga kan lawm phawt chuan sual hian min hneh thei ngai dawn reng reng lo a lo ni reng mai.

2. Lawm lo chung a rawngbawl chu a hahthlak :

Khawvela thil hahthlak berte zinga mi chu mi lawm thei lote tihlawm tum hi a ni. Krista rawngbawl na, Kohhran leh a hnuai penga kan thawhna kawngah pawh hian lawm thei miah lo, lawmna reng nei lote rawngbawl dan hi thil hahthlak tak, hrehawm tak a ni. Lawm lo chung a rawngbawlte chuan phun nawina an zawng a, an lawm reng emaw tih lain an rawngbawlpuite chungah te, an hotute chungah te an lo phun nawi a, an lawm lo leh mai thin. Lawm lo chung a rawngbawltu chuan amah leh amah a invaw chhia a, Kohhran leh pawl a tichak lo va, a rawngbawlpuite inkarah inhmuh thiam lohna te a thlen thin a, chu chuan nun hona leh chen hona thlengin min tihrehawm thin a ni. A

hruaitupui a sawisel a, a member-te a sawisel a, tu mah a hmu tling thei reng reng lo va. Amah chiah dik leh thin a inchhuah a, chu chuan pawl leh Kohhran ho rawngbawl na a ti than thu a, chu chuan rawngbawl a tihahthlak thin a ni. Chuvangin, kan chang thlan Sam 100-nain min hrilh angin lawm lo chung a rawngbawl chu a hahthlak em a, lawm chung a rawngbawl mai hi kan tih tur a ni.

3. Eng pawh lo thleng sela lawm zel tur kan ni :

Habakuka chuan, "Theipui thing par vul dawn lovin, grêp hrui rah dawn hek suh seng, Olive thing pawh rah lo vin, Lovin ei tur chhuah dawn lo seng, Huang ata ran rual tibovin, Ran inah ran awm lo mah seng, ka lawm zel ang Lalpaah chuan, ka chhandamna Pathianah chuan ka lawm cheu dawn," a ti mai a. Habakuka lawm zel theihna nun hi eng nge ni ta ang le? Harsatna hrang hrang hnuai ah pawh a lawm zel mai. Chu chu a chhandamna Pathianah vang a ni. Keini rawngbawltute hi i inen ve teh ang u le. Kan Chhandamna Pathianah hian kan lawm ve em? Harsatna, manganna, buaina,



**PATHIAN FAKNA HLA
A SAK ZAHPUI LO TU
CARRIE UNDERWOOD**

*- Lalramdinsanga,
Venghnuai Branch*

*K*um 2018-a Academy of Country Music Award an sem chu a kum hmasa lam aiin entu an tam zawkah a buatsaihtute'n an ngai a, he award entu an tam chhan ber chu Pathian faka zai thin Carrie Underwood a ni.

Award semnaa a inlan avanga Academy of Country Music Award 2018 digital download sale pawh tising awktu, khawvelin a ngaihsan Carrie Underwood hian Pathian Fakna hla satu a nih hi a inzahpui lo a, Pathian fakna hla a sak hi mi tam takin en dawn lo pawh ni se sak zel a tum thu Glamour magazine-in an kawmnaah a sawi.

“Pathian fakna hla sa hmasa ber ka ni lo a, a sa awm chhun pawh ka ni lo. Pathian fakna hla ka sak hi an lo ngaithla peih lo a nih pawhin channel dang lo en mai rawh se,” a ti.

A Bible chang duh leh a nun hnehtu nia Instagram-a a tar lan chu Rom 8:38-39, “*Tihna te, nunna te,*

vantirhkoh te, lalna te, thil awm sa te, thil lo la awm tur te, thiltihtheihna te, sanna te, thukna te, thil siam dang reng rengte pawhin, kan Lalpa Krista Isuaa awm Pathian hmangaihna ata chu min then thei lovang tih dik takin ka hre si a,” tih hi a ni.

Billboard Top Country Album Chart-a khum hleih theih loh khawpa record lo siam tawhtu, Hot Christian Songs Chart-a kar 26 chung zet a zawna No. 1 lo hauh tawhtu Carrie hi Kristian chungkua-a seilian a ni a, seilenna ang Kristian chungkua hi din a duh avangin, pasal atan pawh Kristian tha tak NHL player Mike Fisher chu a thlang chat reng a ni.

2004-a American Idol neih a nih tum khan tel vein, Bonnie Raitt hla 'I can't make you love me' tih hla a sa a, endiktute beng a fah a, an beiseipui ang ngeiin Chiang takin pakhatna a ni.

Carrie hian Kristian tlangval ngei, a dinhmun mil pui pasalah a thlang a, hei hian an inkarah inhriat thiam tawanna a siam phah thu leh an nupa kar pawh a ngheh phah tih te a sawi. KṮP member nula leh tlangvalte pawhin Carrie kawppui zawn dan hi kan entawn tur tak a ni.

An nupa changchang a sawina dang han tar lang leh ta ila; hun harsa an tawhin an tawngtai dun thin thu te, hna thawhna avanga hmun khata an awm dun loh lai pawhin phone hmang talin Bible an inchhiarsak tawn

thin thu te chanchinbu mite'n an kawmnaah a sawi chhuak.

Kan mi mal nunah, kan nupa nun leh chhungkuaah kan dah pawimawh hmasak ber tur chu Pathian a ni a. A chanchin kan chhiar mek pawh hian an nupa karah pawh an rinna hi a dah hmasa ber zel a ni.



Mi lar dangte anga chanchin ngah tak, chanchinbu lama a chanchin chhiar tur awm zen zen lo a ni chung hian mi dang tan a luan chhuahna te hi tarlan leh zauh thin a ni a. American Idol Session 4 winner hian Covid-19 a len nasat zual lai kum 2021 April thla khan Virtual hmangin Concert a buatsaih a, heta a sum hmuh chhuah US dollar 1,00,000 lai chu naupangte tana thawktu pawl Save the Children US hnenah a pe a ni.

lam a, an lo inru zui nghal daih kha a lo nia. Ka hun tawn ah chuan a thim chhah lai ber a ni ta reng mai, hetiang reng renga hun hman chu nun hi tawp mai se, ka tan chuan zahna hi a reh mai ang a? tihte chuan mi mawlh lian ta hle. Pathian mi ka ni hlahuh khan ka nun hi min chhan ka ti lo thei lo. Pathian hi a tha a, a hun taka min hum tu kha a ni chiang lutuk.

Hun a liam chho ta zel a, Pathian rawng hi rinawm tak in ka bawl phawt mai ang a, min pema ang tiin hmeichhe lam ka hawi ta reng reng lo a, rawngbawlnalamah ahma aianasalazualakeka penna \anna hun a lo ni chho ta a ni. Setana mizia ka chian phah khawp mai, Johana 10:10 "Ruk hmang chu ru tur leh tihlum tur leh tichhe tur lo chuan a lo kal lo" tih leh, Pathian zawk thung chuan "Kei zawng nun an neih nan, TAM TAKA AN NEIH NAN lo kal kani" ati, an van inang lo tak em! Kan Pathian hi a \ha e. Ka \awng\ainaah te chuan nupui tur ka dil zel a, Thufingte 31-a mi ang hi, ti tein, "Vanram ka kaipui tur" ka ti tel kher \hin bawk a.

Ṭum khat pawh kan Sakhaw hruaitute zinga mi hi ka be pawp ta tawp mai a, "Engtin nge hma ka lak ang?" tiin. Ani chuan, "Inti ze ve deuh la, chet ve a ngai alawm" min ti a. Mahse, ka thinlunga thu awm renga chu "I awm dan tur chu Lalpa chungah nghat la, Amah chu ring la, aman a ti vek ang" Sam37:5 tih hi a ni si a. Pathian thu inziah dana chu ka ring tlang ta zawk a, a tawpah chuan ka thil dil ngei mai, a rawngbawl mektu Missionary chu nupui atan min pe ta a ni.


Lalpa hian ka thil dil te, a thu ka rin burna kha a takah a rawn chantir ta a ni. Kei chuan hun duhthusam ka lo nei ve ngawt a; mahse, ka tana tha zawk hretu ka Pathian chuan, ka hun ruahman aia hun tha zawk min lo ruahmansak zawk a lo ni a. Kum 7 dang min nghah tir leh a, ka nupui duhthusam chu min pe ta a ni. A remruat hun chu ka tan a lo tlai hauh lo nia, a lo tha zawk fe zui lehngal. Ka inchhir lo tawp. "Lalpaah chuan chawl la, amah chu nghak fan fan rawh, beidawng lovin; tichuanin, I thinlung duh zawngte chu Lalpan a pe zel ang che."

kha a ni a, hun ngheta kan neih thin angah kan hmang thei lo mai a ni lo a, kal thei tur zat bituk awmin he hun pui hi kan hmachhawn a tul ta kha, a reltu leh a thlengtu rilru erawh a damlo hle a, KṚP member-te rilru pawh a buai phah hle ang tih a hriat a ni. Chutih rual erawh chuan hri leng avanga Sawrkar mi thiamten inkaihhraina an siam thlir chung leh hri leng avanga eizawna chhungkaw tam takah a thuanawp avangin a nawlpui anga zalen taka Conference hman hi a remchang lo tih hriaa, KṚP member-ten kan pawm thiam erawh a lawmawm tak zet a ni.

KṚP General Conference ah hian a thlengtu lam inhawna hi sawi fiah phak loh khawpin a lawmawm thin a, chutiang chiah chuan Kolasib khawpui inhawna hi hmuh hmaih phal chi a ni lo ang. Rin phak bak leh beisei aia changtlungin Pandal tha tak min siamsak a, kal thei tur chin bituk awm mah se Conference chhim duh apiangte tan an thinlungah hmun min buatsaihsak a, chu chu a takin an lantir bawka, KṚP member-ten lawm thu hrih mawlh mawlh tur kan nih zia kan hriat chhuah fo a tha ang.

Kolasib khawpui hian wawi hnih KṚP General Conference hi a lo thleng tawh a (1980 – Diakkawn Kohhran Biak In, 1996 – Tumpui Field), tun hi wawi thum a thlenna a ni a, hengte avang ngawt pawh hian he khawpui hi KṚP-te tan a hlut zia a lang chiang hle a ni. Tun tum Conference-ah hian *'Tunlai thil awmzia'* (Rom 13:11) chu thupuiah hman niin Speaker-ah Revd Dr. Chuauthuama a ni a, Speaker hnen atanga kan thu ngaihthlak atang hian thalai ten ram hmasawna tur atan tan kan lak a tul zia a lang chiang hle; tin, ani mai bakah hian thuhritu dang Synod Moderator Rev. Dr. Vanlalnghaka Ralte, Synod Executive Secretary i/c KṚP Rev. Dr. K. Lallawmzuala leh CKTP Leader Rev. Vanlalmuanpuia Khiangte te hnen atanga sermon kan ngaihthlak te atang hian ram leh hnam vei a tulzia leh mipat hmeichhiatkawngah invawng thianghlim tura thalaiten tan lak kan ngaihna lai kan hriat fiah a tul viau awm e.

Kal thei tur zat bitukah hian mipui singkhat vel pung khawm tur anga chhut a ni a, mikhual inziak lut hi 9,015 kan ni a, thuawihna a langin a hriat a, a lawmawm hle.



“Mi suaksual thurawwna lam ngaithla duh lova, Mi sualte tih dan pawh la duh lova, Lalpa hmusittute zinga tel duh ngai lo mi chu a nihlawh e.” (Sam 1:1)

Sam ziaktuin nihlawhna leh lawmna hi rilrua nuam ti taka awmna a tihna mai a ni lo va. Pathian duh zawng tih nuam tia lawmna bera hmang tihna a ni. Nihlawhna leh lawmna hi Pathian duh zawng ti tura a Zirtirna zawm zelna aṅanga lo awm a ni.

Tunlai hian mi tam tak chuan tangka sum tam tak neih hi nihlawhnaah an ngai a, hlim tak leh nuam ti taka awm theihna turah an ruat a. Sam leh Bible hmun dangah erawh chuan Pathian thilpek dawnga Pathian duh zawng titute hi Pathian malsawmna dawngtu, mi nihlawhte chu an ni.

A chang chuan nihlawhkan tih hian tam tak neih te pawh a huap reng a. Entir nan, ei tur neih te, chēnna in neih te leh chhungkaw neih te hi Pathian malsawmna chu

a ni ngei mai (Sam 127:3; 128:4,5; 144:12-15). Heng thil zawng zawngte hi Pathian thilpek nunna atana thil ṭul leh nakin zela khawsak tiawlsam theitu turte an ni a. Nimahsela, a aia pawimawh zawk a awm. Nunna dik tak chu Pathian nena inzawmna neih a ni a, malsawmna leh nihlawhna dik tak chu Pathian lama rilru hawn a, a duh anga nun hi a ni (Sam 1:1,2; 119:1, 14, 174). Chutiang chu a nih avangin Sam ziaktute chungah hian harsatna te lo thleng ṭhin



Philippi 3:12-16 'Hmu tawh reng inti ka ni lo va, famkim tawh reng inti pawh ka ni hek lo; "Krista mi man chhan chu ka man thei dah law maw," tiin a umin ka um zawk a ni. Unaute u, manah ka inngai lo. Amaherawhchu he thil pakhat hi ka ti thin – hnung lama thil awmte chu theihngihlha, hma lama thil awmte chu banin, Krista Isuaa Pathian chung lam koh chhan lawmman hmu turin, tiam chin lam chu ka pan talh talh a ni. Chutichuan, puitling apiang chutiang rilru puin i awm ang u; tin, eng kawngah pawh rilru danglam pu in lo nih chuan, chu pawh chu Pathianin a la hriattir ang che u. Eng pawh ni sela, kan thlen chin atang khan hma i sawn zel ang u.'

1. Thil a êng zawnga thlir turin hma i sawn ang u :

Matthaia 6:27 Tin, nangni zingah lungkham avangin tuin nge mahni dung lam tawng khata tisang chuang thei? Kan hmaa thil lo thleng reng reng hi a thim zawng leh a êng zawnga thlir a awm thei a, a êng zawng hian thlir zel ila kan nun hi a hahdam a, kan tan pawh a lo tha a ni. Hun kal tawha kan thil tih soal tawhte hian kan nun hi a ti hrehawm viau thin, hei hian ringtu nun pawh chak lohnaah a hruai phah thin. Hmana thiante nena soal kan tih lai te, ka nuna a chhe lai

ber mai thleng hian theihngihl a, inchhira Pathian lam hawi hi kan tih makmawh a ni. Pathian thuin a sawi angin hnung lama thil awmte chu theihngihl turin min duh a, hma lam panin hma i sawn zel zawk ang u.

Ngaihtuahna dik lo put a rilru hrisel lo put tlat chuan taksa pawh hian a lo tuar thuai thuai mai a ni, rilru ber a hrisel loh chuan taksa hrisel a neih theih loh. Chuvang chuan kan chung a thil lo thleng reng reng hi a êng zawng hian thlir thiam ila kan tan a lo tha ber mai.

inthawina chungah chuan Pathian a lungni em em si a.

Thilpekah hian thil phal a har ang reng khawp mai, mahse a pe tam apiangin pek zel an duh a, malsawmna pawh an dawng nge nge niin a lang. Thilpek kan pek hian kan kut vei lam hian a hre reng duh khawp a, kan ka thleng thleng hian an hre reng a, miten an hre lo ang tih hlau takin rem leh rem lo ah pawh kan sawi leh vak vak thin. Hetiang sawi hi awl tak a ni. Pathian thuin min hrilh dan chuan kan kut ding lamin a tih chu kan kut vei lamin a hre reng tur a ni lo tiin min chah nasa hle.

Thian thenkhatte chu kuhva emaw meizial emaw han dila pakhat chauh ak, engtik lai pawha pakhat chauh ak reng mai te awm theih a ni awm e. Thil phal hi uar ila, kan pek chhuah hnem na na na chuan keimahni pawh hi kan hlim a, malsawmnain Pathianin min vur let zel thin.

Faith Promise (Rinna thutiam) kan thawhna kawngah pawh hian hma i sawn ang u, thenkhat chu nu

leh paten kumtluana pek sak awm theih a ni. Kan rinna thutiam kan nu leh paten min pek sak reng mai te hi a dik lo deuh a va ang ta ve. Kumtluana thla tin ₹10/20 pek reng mai te hi hma sawn a van tha em! Ni tina kuhva, shikhaar kan leina pawh a daih tawt tawt chauh alawm le. Khawinge Rinna Thutiam a nih ang ngeiin rinnain thla tin ₹50 tal chu ka pe ve thei dawn lawm ni tiin hma lam i pan ang u.

Hruaitu lam hi member-ten kan entawn an ni fo thin, ka faith promise pek zat min en sak avanga ₹10/20 chauh pe an ni thei em, hruaitute pawh inen fiah kan ngaih chuan inen fiah ila. kum 10/5 ral taa Inkhawm thawhlawm a, ₹10 ka thawh kha kuminah pawh ₹10 char char ka la thawh em? ₹10 atang hian hma sawn ka ngai tak zet tawh a ni thei ang em? ₹20/50 thawh ziah turin member-ten keini thutna sang lama hruaitute hi chu min beisei tawh pawh ni se a soal lutuk pawh a ni tawh love ti ang aw.

Kan thlen chin atanga hma kan sawn zel theih nan Lalpa'n a thu malsawm rawh se.

ringawt ang. Mi lo kalte lo hui khawmtu tur mi pahnih/khat leh hla chang sawitu pakhat a inruat ila, a that a rinawm. Thu sawi lovin, hun serh pawh hmang lovin zai mai sela. An rawngbawl na rawn chhimtute atanga zawhna emaw, boruak dang emaw, a awm a nih pawhin hruaitute chuan tih dan an thiam khawp ang.

Lamlan leh daia zaia rawngbawl turin a hranpaa Ministry din a ngai lo. A tul dan azirin Branch Committee-in kal turte a ruat mai ang a. Nasa taka tawngtaia inbuatsaih erawh a ngai ang. Kohhran tin deuhthawin Kohhran zaipawl kan nei a, thla khatah zan khat te chu zaia rawngbawlin feh chhuak thei ila aw! Member zawng zawng kal erawh a tul kher lo thei e.

Hla lar, mi tin sak thiam, a ngaithlatuten an lo zawm theih tur thlan a fuh ang. Lal Isua pan tura sawmna hla te,

fuihna hla te, thlamuanna hla te, inhlanna hla te, etc tha tak tak kan nei a, kan vannei hle. Hla hmanga chanchin tha puan darh a nih hian a satu leh a ngaithlatuteah nasa takin thlarau thianghlimin hna a thawk thin a ni. Hun eng emaw chen Lalpa faka zai tawh lo an ni thei; chuvangin, tum khat tal pawh thinlung zawng zawnga Lal Isua an fak theihna hun remchang siamsak hi a pawimawh hle a ni. Kan unaute hian anmahni benga chanchin tha an ngaihtlak bakah anmahni ka ngeiin an chhandamna, an hlimna leh an thlamuanna hla te chu an puang chhuak dawn a ni. Chungte hmang chuan thlarau thianghlimin an thinlungah thu a sawi ngei ang tih a rinawm a ni.

Tin, Bial zaipawl te, Presbyterian Choir te, Synod Mission Choir te, leh Synod Choir te pawh kan nei alawm! Heng kan zaipawl



HRINGLANG TLÁNG

KHAWNGAIHNA

Lung in tâng zingah Johnson-a aia sual leh pawl khawih nasa an awm kher lovang tih chu a tânpuite leh tâng vengtute sawi thin a ni, vawi tam a chungchang thu rel leh ngaihtuah a nih hnuah, a dan bawhchhiat nasat dan leh a tân chhunga a nungchangte thlirin "Khai hlum" tur tia thu pawh chah a ni. Khai hlum a tawk dawn tih a hriat meuh chuan, a kun nghal tlawk tlawk a ni ber, eng mahin a rilru a la peng zo tawh lo, "Ka sual nasatzia ka hriatin tihlum tlak ka ni tih ka pawm e; mahse, khai hlum ka nih lai hmel hlirin ka mithhla a luah erawh ka eng lai mah hian a pawm dam ngam lo a ni e, phur lo takin ka thih hun ka nghak a ni si a" tiin a sawi.

Tihlum a nih hun a lo thleng, khai hlumna tur dawhsanah lunggai taka a din mek laiin, he thu hi puan hnan a ni, "Pawl tam tak khawihthu Johnson-a hi vawiina khai hlum a nihna tur thupek chu kan ram lal ber hming ziah hnana sut rih a ni e" tiin. Pa rorum Johnson-a chu thlep hnawkin a thingthi a, mak tihna leh a thinlung hlimna chuan a bual khat a ni ber, tan in pindana dah luh a nih hnuah tang veng hotu a rawn kal a, eng mah a hrilh hma hauhin Johnson-a zawk chuan zawhna a lo zawh khalh

Johnson: Eng vang nge? Engati nge?

Hotu : Ngaihdam i nih chhan leh vang hi sawi tur a tam lo hle, tukin khan, Lal ber chuan tihlumna sut rawh u a rawn ti tawp mai a ni.

Johnson: Chu chu eng vang nge?

Hotu : "A khawngaih che" I thihna a sût mai a ni lo, chhuah zalen ula, chuta a la sual zawm zela, tihlum a nihna tur amah ngeiin a rawn thlang nawn leh a nih chuan ka hriat loh in ro in rel sak dawn nia, kei chuan ka khawngaih a ni a ti.

Johnson-a a tap, "Sual leh turin min chhuah zalen lo ula, kan ram lal hnenah chuan min hrui rawh u, a chhiahhlawh rinawm ni tura ka dam chhung tan ka dil e" a ti a. Nang leh Kei pawh hi Lal Isua Khawngaihna changtu kan ni asin.



* April Ni 27-May Ni 1, 2022 khan 44th PCI General Assembly Umroi, Meghalaya-a neihah CKṬP aṭangin Pu David Lalchhuanawma leh Upa F. Zoherliana, C/M te an kal a, PYF aiawhin Tv. Malsawmdawngliana, C/M a kal bawk. PYF Asst Leader ni lai Pu Lalrempuia, C/M PYF hminga palai ni sa a ni bawk a; tin, Leader kal chhuak Rev. Vanlalmuanpuia Khiangte hi Synod palai niin a kal bawk a ni.

* May Ni 17, 2022 khan Committee Room I, Synod Office-ah CKṬP hruaitu hlui leh tharten chanvo inhlanna an nei a, he hun hi Synod Secretary Rev ZD Lalhmachhuana leh Synod Executive Secretary i/c CKṬP Rev Dr. K.Lallawmzuala ten an hmanpui a ni.

2022 KṬP General Conference Rorel, Report leh Hruaitu tharte :

Conference leh Rorel :

- * 2023 Rorel Inkhawm neihna tur - Zemabawk Biak In
- * 2024 General Conference neihna tur - Ngopa
- * 2026 General Conference neihna tur - Saitual
- * YRC leh Hospital Charity fund pualin KṬP ṭum khat inkhawm thawhlawm lak khawm thin hi chhonzawm tura pass a ni.
- * YRC puala member pakhat thawh tura bituk siam ṭhin chu tihtawpa, CKṬP-in Bialah budget siam tawh tura tih a ni.
- * Thupui zir turah 'Kohhran humhalh' chungchang inzirtirna neih chu thlan a ni.
- * Kum 2023-2024 Kumpulan Thupui zir tur atan Ṭawngṭai tam (Mathaia 22:22) tih chu thlan a ni.
- * KṬP Budget atan ₹ 66,10,000/- (Nuaih sawmruk paruk singkhat) pawm a ni.



Kantu : Tlabung Zodin Branch

CENTRAL K.T.P. HRUAITUTE 2020-2022

Office Bearers

Leader	: Rev. Vanlalmanpuia Khiangte	9582591807
Asst. Leader	: Pu Rorelkima	7005401969
Gen. Secretary	: Upa Rochungnunga	9862658082
Asst. Secretary	: T. Upa Malsawmtluanga	9612588677
Treasurer	: Pu P.C. Lalrinsanga	9436144233
Finance Secretary	: Upa Lalrinmawia Ralte	9862359884

Committee Members

T. Upa R. Lalbiakmawia	9612762602	Tv. Benjamin Lalnunpuia	9862306526
Pu Lalrinchana Ralte	9774365619	Pu Lalruatfela	9436705777
Tv. K. Lalchhanhima	9089933771	Pu Johnny Lalthansanga	8575320994
T.Upa H. Lalrosanga	7005671252	Pu Ricky Lalremruata	9862556947
Upa Saihmingthanga Sailo	9862387737	Pu Zosangpuia	8575891268
Tv. Malsawmdawngliana	9862344764	Pu L.V. Lalhantluanga	8974007486
Upa Johnny Lalawmpuia	9612587039	Pu Lalrempuia	9862857357
Pu Lalremruata Pachuau	9862306830	Pu Jonathan Lalhrualtuanga	8131984506
Pu David Lalchhuanawma	9612228219	T. Upa P.C. Vanlalnunmawia	7005885494
Upa F. Zoherliana	9862846187	Tv. Vanromawia	9612215741
Upa Lalchharmawia	8014445696		

Tv. Lalringgheta, Asst Co-Ordinator – 9856804149

Ex-Officio Members

- Rev. Dr. Vanlalnghaka Ralte - Synod Moderator
- Rev. ZD Lalhmachhuana - Synod Secretary (Sr.)
- Rev. Dr. K. Lallawmzuala - Executive Secretary i/c KTP

KTP INCHHIARNA

1. Bial awm zat	-	216
2. Branch awm zat	-	891
3. Member mipa zat	-	97,542
4. Member hmeichhe zat	-	60,288
5. Member zawng zawng	-	1,57,830